



An tArd-Reachtair Cuntas agus Ciste

**Tuarascáil ar
Chuntais na Seirbhísí Poiblí 2019**

© Cóipcheart an Rialtais

Tuarascáil an Ard-Reachtair Cuntas agus Ciste

Cuntais na Seirbhísí Poiblí 2019

Ceanglaítear orm de réir Airteagal 33 (4) de Bhunreacht na hÉireann tuairisciú do Dháil Éireann ag tréimhsí sonraithe mar a chinnfear le dlí. Foráiltear in Acht an Ard-Reachtair Cuntas agus Ciste (Leasú), 1993 an príomhbhunús do thuairisciú dá leithéid.

Forálacha tuairiscithe reachtúla

Ceanglaítear orm le hAlt 3 (10) d'Acht 1993 tuarascáil scríofa a ullmhú gach bliain a n-áirítear inti

- aon nithe a mheasaim atá oiriúnach a thuairisciú ag eascairt as m'iniúchtaí ar na cuntais leithreasa atá ullmhaithe ag Oifigigh Chuntasaíochta ranna agus oifigí rialtais i ndáil leis na leithreasuithe vótáilte ag Dáil Éireann don bhliain airgeadais roimhe
- aon nithe a mheasaim atá oiriúnach a thuairisciú ag eascairt as mo scrúduithe ar na rialuithe inmheánacha cuntasaíochta atá á bhfeidhmiú ag ranna agus oifigí rialtais (sa bhliain airgeadais reatha nó roimhe) chun rialtacht a n-idirbheart airgeadais, cruinneas a n-íocaíochtaí agus admhálacha, iontaofacht agus iomláine a dtaifead cuntasaíochta a chinntiú agus sócmhainní atá faoina n-úinéireacht agus á rialú acu a chosaint
- torthaí mo chuid scrúduithe ar na cuntais ar na hioncaim atá bailithe ag na Coimisinéirí Ioncaim – áirítear i measc na scrúduithe seo measúnú ar cibé an bhfuil nó nach bhfuil na cuntais iomlán agus beacht, agus cibé an bhfuil nó nach bhfuil córais, nósanna imeachta agus cleachtais bunaithe agus curtha i bhfeidhm ag na Coimisinéirí Ioncaim leordhóthanach chun seiceáil éifeachtach ar mheasúnú, bailiú agus leithdháileadh cuí na n-ioncam a dhaingniú.

Ceanglaíonn reachtanna eile orm tuarascálacha a ullmhú agus a chur i láthair Dháil Éireann maidir le nithe sonracha áirithe mar aon le mo thuarascáil faoi alt 3 (10).

Ar leithligh, forálann alt 11 d'Acht 1993 le haghaidh tuarascálacha speisialta áirithe a bheith á n-ullmhú agam.

Cur i láthair na Tuarascála seo

Is é seo mo thuarascáil faoi Alt 3 (10) d'Acht 1993 a bhaineann le bliain airgeadais 2019. Tá an tuarascáil seo roinnte i gceithre chuid, a dhéileálann leis na nithe seo a leanas

- Príomh-Chiste an Stáitchiste
- caiteachas vótáilte in 2019
- scrúdú ar chórais loncaim
- tuarascálacha ar nithe eile lena n-áirítear tuarascálacha reachtúla ar na hiniúchtaí ar chuntais Ghníomhaireacht Bainistíochta an Chisteáin Náisiúnta, agus Chomhairle Fhioscach Chomhairleach na hÉireann.

Ullmhaíodh an tuarascáil seo ar bhonn na faisnéise iniúchta, i gcás go raibh sé ar fáil, agus faisnéis, doiciméid agus mínithe eile a fuarthas ó na ranna agus oifigí rialtais ábhartha. Seoladh dréachtaí de chodanna ábhartha den tuarascáil chuig na ranna agus oifigí lena mbaineann agus iarradh orthu a dtuairimí a thabhairt. I gcás gur cuí, cuireadh na tuairimí seo san áireamh sa leagan deireanach den tuarascáil.

Tá an tuarascáil seo dírithe ar chuntasacht ranna agus oifigí i ndáil le riaradh a gcistí poiblí. Níor cheart tagairtí do thrú páirtithe a léamh ach sa chomhthéacs sin amháin.

Cuirim i láthair leis seo mo thuarascáil don bhliain dar chríoch an 31 Nollaig 2019 do Dháil Éireann de réir Alt 3 (11) d'Acht 1993.

Cur i láthair chuntais leithreasa 2019

Ina theannta sin, ceanglaíonn Alt 3 (11) d'Acht 1993 orm na cuntais leithreasa le haghaidh Vótaí éagsúla a chur i láthair Dháil Éireann i dteannta leis an tuarascáil a ullmhaíodh faoi alt 3 (10).

Tá gach cuntas leithreasa don bhliain dar chríoch an 31 Nollaig 2019 deimhnithe agam agus, tá na cuntais sin, mar aon le mo dheimhnithe iniúchta, curtha faoi bhráid Dháil Éireann agam.



Seamus McCarthy
An tArd-Reachtair Cuntas agus Ciste

An 30 Meán Fómhair 2020

Rialtas láir

- 1 Toradh airgeadais an Státchiste don bhliain 2019
- 2 Maoiniú rialtais láir na n-údarás áitiúil

Caiteachas vótáilte

- 3 Cuntasaíocht vóta agus bainistíocht buiséid
- 4 Smacht ar íocaíochtaí leasa shóisialaigh
- 5 Cur chun feidhme seirbhísí comhroinnte bainistíochta airgeadais
- 6 Moill ar tháillí abhcóide a bheith á n-íoc ag Oifig an Príomh -
Aturnae Stáit
- 7 Seirbhísí lónadóireachta agus coimhdeacha i bpríosúin
- 8 Bainistíocht an eastáit scoileanna
- 9 Láithreán líonta talún a Fheabhsú
- 10 Bainistíocht agus tuairisciú airgeadais d'ionaid iascaigh cuain
- 11 Tomhas feidhmíochta do chaiteachas Státchiste ar thithíocht shóisialta
- 12 Dul chun cinn faoin Scéim Comhiomlánaithe Talún
- 13 An Scéim um Leasúchán Piríte

Ioncam

- 14 Bainistíocht achomharc cánach

Nithe eile

- 15 Cuntais Ghníomhaireacht Bainistíochta an Chisteáin Náisiúnta
 - 16 Ciste Bhanc Taisce an Phoist
 - 17 Ciste eascró Apple na hÉireann
 - 18 Comhairle Fhioscach Chomhairleach na hÉireann
-

